

丹砂證道歌

教子真妙言令子知道元無名天地始我得天地先有名萬物
母萬物復洪源聚陰以爲地積陽以爲天盜得三才理丹砂合
自然乾坤真正德晃朗生靈質杳杳復冥冥迴光含太乙金以
砂爲主稟和水銀母太陽離火精射入希夷府靈英透景明光
華赫然住白虎吸紅琉璃金華生玉芝欲凝成至藥萬化隨交策
丹象逐交銖靈通難畫圖寶結藍天碧霞光分五色一號紫金
紅一名飛白雪三曰天谷青四號黑鉛液五名中黃精固形萬
萬春百骸搜九竅是病都除了救卻老殘容身輕髮不皓續齒
如銀玉視暗如燈燭隱跡在人間積行施陰德不是戀繁華玉
道藏輯要

石函記

蜀

危集三
川上人

清朝未得病者卽與醫貧者贈黃白學者遺丹經指陳道口訣
功行一朝圓天書朝太極真藥便是鉛真汞隨火發水火應天
符不得差時節四季若不調寒暄不應律仲冬如炎暑仲夏濃
霜雪多應更漏乖晦爽不明白坤火衰將滅陰侵萌未發水盛
坎消陽火多將伐木相尅不相生陰陽不順律火金不返還斗
錯移南北四七亂縱橫璇璣皆喪失煉土審思之留心仔細推
知之不必言在勤而行之此書萬遍讀名曰上天梯